



REPUBLIKA E SHQIPËRISË



National Centre for Community Services
Qendra Kombëtare për Shërbime Komunitare

QENDRA KOMBËTARE PËR
SHËRBIME KOMUNITARE



KOMISIONERI PËR MBROJTJEN
NGA DISKRIMINIMI

Nr. Prot 8, datë 08.09.2014

Nr. Prot 748, datë 03.09.2014

MEMORANDUM BASHKËPUNIMI
NDËRMJET
KOMISIONERIT PËR MBROJTJEN NGA DISKRIMINIMI
DHE
QENDRËS KOMBËTARE PËR SHËRBIME KOMUNITARE

KOMISIONERI PËR MBROJTJEN NGA DISKRIMINIMI, si institucion shtetëror i cili funksionon në bazë të ligjit Nr. 10 221, datë 14.02.2010 “Për mbrojtjen nga Diskriminimi”, që këtu e më poshtë do të referohet si Komisioneri (Pala);

Qendra Kombëtare për Shërbime Komunitare (QKSHK), si person juridik, regjistruar me Vendimin Nr. 383 datë 10 Prill 2007 të Gjykatës të Shkallës të Parë, Tiranë, që këtu e më poshtë do të referohet si Pala;

Duke qënë se Komisioneri është institucioni që siguron mbrojtjen efektive nga diskriminimi dhe nga çdo formë sjelljeje që nxit diskriminimin;

Duke qënë se QKSHK ofron shërbime për nevoja të ndryshme të komuniteteve në fushën e shëndetit publik, arsimit, mirëqenies sociale dhe ngritje të kapaciteteve të tyre për adresim të nevojave më imediate të njerëzve në nevojë me qëllim mbrojtjen e të drejtave, integrimin në shoqëri dhe përmirësimin e cilësisë së jetës së tyre dhe zhvillimin e komunitetin, nxit dialogun mes autoriteteve dhe qytetarëve për pjesëmarrje efektive të tyre në mirë qeverisje vendore.

Me synimin e përbashkët për respektimin dhe garantimin e të drejtave dhe lirive themelore të njeriut;

Me objektiv garantimin e të drejtave dhe lirive themelore të njeriut, sigurimin e të drejtës së çdo personi për barazim përpara ligjit dhe mbrojtje të barabartë nga ligji, barazim të shanseve dhe mundësive për të ushtruar të drejtat e për të gëzuar liritë, për mbrojtje efektive nga diskriminimi dhe nga çdo formë sjellje që nxit diskriminimin, për personat;

Me angazhimin për të asistuar njëri-tjetrin mbi parimin e reciprocitetit, dhe me bindjen se bashkëveprimi është në ndihmën dhe interesin e qytetarëve;

Palët,

Bien dakort si më poshtë vijon:

Neni 1

Objekti i Marrëveshjes

- 1.1 Kjo marrëveshje ka për objekt përcaktimin e rregullave dhe modaliteteve brenda të cilave Palët do të zhvillojnë, marrëdhëniet ndërmjet tyre, për marrjen e masave për mbrojtjen nga diskriminimi.

Neni 2

Angazhimet e palëve dhe format e bashkëpunimit

- 2.1 Komisioneri angazhohet të bashkëpunojë me QKSHK për rastet e personave të disavantazuar të cilët kanë nevojë për asistencën e Komisionerit për rastet kur konstatohet diskriminim.

- 2.3** Palët angazhohen të bashkëpunojnë në organizimin e fushatave të përbashkëta sensibilizuese dhe trajnimeve, me qëllim rritjen e ndërgjegjësimit për mbrojtjen nga diskriminimi, minimizimin e rasteve të diskriminimit, mbrojtjen e të drejtave të personave, përmirësime e situatës të tyre në lidhje me diskriminimin;
- 2.4** Palët do të informojnë njëra-tjetrën mbi çdo lloj shërbimi që ata do të ofrojnë në të ardhmen në bashkëpunim dhe mbi çdo gjë tjetër që do të gjykohet e nevojshme për një bashkëpunim të frytshëm midis palëve të kësaj marrëveshjeje;
- 2.6** Palët do të udhëhiqen gjithnjë dhe mbi të gjitha nga interesi i qytetarëve të cilët kanë nevojë për zgjidhjen e mosmarrëveshjeve dhe problemeve të tyre, me qëllim që ato të zgjidhen në mënyrën më të përshtatshme;
- 2.7** Palët angazhohen të mbështesin njëra tjetrën në realizimin e veprimtarive të përbashkëta me interes reciprok;
- 2.8** Palët do të bashkëpunojnë edhe në forma të tjera të bashkëpunimit për të cilat mund të bihet dakort në të ardhmen.

Neni 3

Komunikimi i Palëve

- 3.1** Palët komunikojnë në mënyrë të vazhdueshme ndërmjet tyre dhe shkëmbejnë çdo informacion të nevojshëm për përmbushjen e detyrave të tyre. Komunikimi do të kryhet në formë shkresore.
- 3.2** Palët do të caktojnë një person kontakti që do të jetë përgjegjës për zbatimin konkret të Marrëveshjes së Bashkëpunimit.
- 3.3** Personat e kontaktit nga të dyja palët do të jenë të disponueshëm në çdo kohë për komunikimin dhe koordinimin e veprimeve me palën tjetër.

Neni 4

Dispozita të Fundit

- 4.1** Kjo marrëveshje bashkëpunimi lidhet për një afat të pacaktuar dhe ajo do të jetë efektive për sa kohë do të gjykohet si i nevojshëm dhe i domosdoshëm bashkëpunimi midis palëve.

4.2 Çdo palë mund të kërkojë zgjidhjen e marrëveshjes, duke njoftuar palën tjetër 30 ditë para.

4.3 Marrëveshja mund të ndryshohet, të amendohet ose të revokohet në çdo kohë, bazuar në pëlqimin e ndërsjelltë të paraqitur me shkrim.

4.4 Palët në këtë Marrëveshje Bashkëpunimi do të bëjnë të gjitha përpjekjet për ekzekutimin sa më efektiv të të gjitha detyrimeve të marra përsipër prej tyre.

4.5 Kjo marrëveshje hyn në fuqi në datën e nënshkrimit të saj.

4.6 Kjo marrëveshje bashkëpunimi hartohet në 4 (katër) kopje origjinale, dy për secilën palë.

Nënshkruar në Tiranë, më 08 / 09 / 2014.

QKSHK

Liliana Dango

**KOMISIONERI PËR MBROJTJEN
NGA DISKRIMINIMI**

Irma BARAKU

